



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Vande roepende sonden.

urn:nbn:de:hbz:466:1-39385

Obstinaet/ende Sonder berouw onbedreeft/
Zijn les sonden teghen den H. Gheest.

M. Hoe zijn dese teghen de goedthyt Gods?

D. Om dat sy niet alleenlyck en benemen de gratie Godts / het welck van alle dood-sonden ghedaen wordt: maer oock de middelen/ om de gratie Godts te vercrighen. Want niemant en can daer toe ghecomen/ sonder hope / vreesse/ kennisse der waerheyde/ende berouw van sonden. Welcke middelen worden deur dese sonden verworpen.

M. Worden dese sonden oock in dit leuen vergheuen?

D. Gheen sonde en can soo groot zijn / Godt almaghtigh en vergheeft-se / als wy onseluen bekeeren: maer dese sonden worden daer-om onvergheuelijcke sonden ghesheeten / om dat-se de middelen van de vergiffenisse verworpen. Gheelijcker wijs de siechte ongheneselijck is / als de trancke alle medecijnen ende remedien versmaedt ende verworpt.

M. Hoe vele zijn de Roepende sonden?

D. Vier: Te weten: Al willens onrechtelijck pe-
manden dood-slaen/
Oncupscheydt teghen nature ghedaen/
Verdrucken de armen/weduwen ende weesen/
Des werck-mans loon achter-houden sonder
vreesen.

M. Waer-om heeten die Roepende sonden?

D. Want van dese sonderlingh in de H. Schrif-
ture staet / dat sy wrake roepen veur Gode: soo
om haer boosheydt in haer seluen / soo om haer
onrechtveerdighedyt teghen den armen naesten/
wiens clachten Godt onse vader bermhertighlyck
hoort:

hoort : ende dese sonden doek dic-wils in dit le-
uen plagh te straffen.

M. Van wien wordt de mensch tot sonden ghe-
broght?

D. Van drij vijanden sijner sielen : te weten/
1. Den duvel. 2. De wereltd. 3. Het vleesch. On-
der de welke de duvel de principaelste is : die de
wereltd / dat is wereldsche menschē / gebruyckt als
sijne dienaers / ende het vleesch als sijn instrumēt.

M. Deur wat middelen valt de mensche in
sonden ?

D. Ten eersten / comen quade ghepeysen / daer
nae volghet quaede behaghen / ten lesten / t'consent
vol-mascht de sonden.

M. Hoe comen de quade ghepeysen ?

D. Meesten-deel deur onse vijf sinnen niet wel
bewaert : te weten. 1. Sien. 2. Hoozen. 3. Rie-
ken. 4. Smaecken. 5. Gheboelen : want deur die
comen sy inde drij crachten der sielen : te weten /
1. in't verstandt / die de ghepeysen ontfanght.
2. in de memorie / die-se bewaert. 3. in den wille/
die het behaghen neemt ende consent gheeft.

M. Wat sal ick doen , om alle sonden wel te
schouwen ?

D. Het ghene dat de Wijse-man met dese woor-
den vermaent : *In allen v wercken peyst op v uyt-
ste, soo en sult-dy inder eeuwigheydt niet sondighen.*

M. Welck zijn de uytterste ?

D. Dit zijn de vier uytterste den menschen bes-
chreuen :

Doodt / Dordeel / Helle / ende het Eeuwich leuen.
De eerste twee ouer-comen allen menschen / het
derde alle die in dood-sonde steruen / het vierde al-
len die in Godts gratie vā deser wereltd scheidē.